

## ZAPISNIK

### sa 07. Sastanka Privrednog savjeta Grada Zenica

Sastanak je održan 28.06.2017. godine s početkom u 14:00 u Maloj Sali zgrade gradske uprave Grada Zenica (II sprat).

Spisak prisutnih u prilogu.

Dnevni red sastanka:

- Problematika vezana za KGZ, KN i taksu na firmu
- Inicijativa Udruženja Poslodavaca za otvaranje ulica u strogom centru Grada Zenica za saobraćaj motornih vozila, ulice Alije Izetbegovića i ulice Muhameda Seida Serdarevića od 02.11.2016. godine
- Inicijativa za odobravanje produženja radnog vremena ugostiteljskih objekata u Gradu Zenica od 25.04.2017. godine
- Inicijativa da se riješi predugo čekanje privrednika u šalter sali gradske uprave
- Program kapitalnih investicija Grada Zenica za period 2017-2019
- Budući rad Privrednog savjeta

#### Ad.1.

Predsjedavajući Privrednog savjeta, gradonačelnik Fuad Kasumović je pozdravio sve prisutne i najavio dnevni red, koji je jednoglasno usvojen. Gradonačelnik je u kratkom obraćanju pojasnio da u ovom trenutku ne može vršiti izmjene odluka kojima se definiše naplata KGZ, KN i takse firme. Prisutne je upoznao u kakvom je stanju zatekao gradski budžet, da nema mogućnosti zaduživanja ni izdavanja kreditnih garancija a da problemi poput zagrijavanja grada iziskuju finansijska sredstva i promptno djelovanje. Naglasio je da je svjestan slabe konkurentnosti Grada Zenice u odnosu na susjedne općine zbog visokih nameta privrednicima te da se to uistinu mora mijenjati, ali ne momentalno. Potom, gradonačelnik je zamolio Mladena Perića da elaborira na prvu tačku dnevnog reda.

- Mladen Perić je članovima Privrednog savjeta prezentovao materijal (tabelu sa podacima, u prilogu zapisnika) koji je donio na sastanak. Upozorio je da trenutni sistem naplate KZG-a protivustavan i destimulirajući za razvoj privrednih subjekata. Također, napomenuo je da naplata komunalne naknade (KN) vrše samo privredni subjekti, što je diskriminatorno budući da kantonalni Zakon o komunalnim djelatnostima obavezuje i vlasnike stanova na plaćanje komunalne naknade. Mišljenja je Odluka gradskog vijeća, kojom vlasnike stanova oslobađaju od plaćanja komunalne naknade, diskriminatorna prema privrednim subjektima i da se mora raditi na izmjeni pomenute odluke.
- Gradonačelnik je prisutnima iznio svoje namjere da oporezivanjem kladionica poveća prihode gradskog budžeta za 4 miliona KM, kako bi zahvaljujući tim sredstvima uspio umanjiti namete privrednim subjektima, povećati finasiranu sporta i slično. Naveo je i lični primjer kada je kao vlasnik tada neizgrađene benzinske pumpe dvije godine imao obavezu plaćanja KGZ iako benzinska pumpa još nije bila puštena u rad. Pomenuo je probleme s kojim sa grad susreće u ovom trenutku a koja su od velike važnosti za sve građane. Kazao je da su uvedene maksimalne restrikcije u gradskoj upravi kako bi se stabilizovao budžet. Iznio je mišljenje da na izmjeni/dopuni važećih odluka mora raditi stručna komisija sa prijedlogom da za početak, komunalnu naknadnu plaćaju vlasnici dva ili više stanova. Naglasio je da je nužno da se privrednici uključe u rad ove komisije kako bi se u budžetu za narednu godinu planirali manji prihodi po ovome osnovu.

- Mladen Perić je kazao da su poslodavci spremni uključiti se u rad tima, koji će raditi na prijedlogu odluke ali sa napomenom da taj tim ne treba brojati više od 2 člana. Vjeruje da prevelik broj članova komisije neće adekvatno i dovoljno brzo raditi.
- Senaida Turkić je kazala da je nužno osmisliti model koji neće ugroziti gradski budžet ali da na odluci mora raditi veći tim sa obaveznim angažmanom pravnika. Također, sugerisala je da se razmotri mogućnost sklapanja Sporazuma sa privrednicima koji su utuženi zbog neizmirenih obaveza po osnovu KGZ-a, odnosno da se oslobode plaćanja zatezних kamata.
- Gradonačelnik je prisutne upoznao o Sporazumu koji je sklopljen između gradske uprave i građana koji su tužili Grad Zenicu zbog ujeta pasa lualica, posredstvom kojeg su građani odustali od zatezних kamata kako bi im se čim prije isplatio utuženi iznos. Gradonačelnik je izrazio spremnost da se sličan model primjeni sa preduzećima, kako bi grad dobio utužena sredstva a privrednici bili pošteđeni plaćanja kamata.
- Senaida Turkić je napomenula da vlasnici zemljišta, poput parcele u neposrednoj blizini Doma Štampe, ne plaćaju komunalnu naknadu ni KGZa, što nije slučaj sa privrednici koji razvijaju poslovanje i preduzeća i automatski dobijaju nove namete.
- Mirsad Heleg je kazao da KGZ obračunava za sve ali da vlasnici zemljišta nemaju obavezu plaćanja KN.
- Senaida Turkić smatra da je nužno provjeriti mogućnost uvođenja plaćanja komunalne naknade i za vlasnike zemljišta/investicijskih lokacija, kako bi te lokacije rezultirale novim investicijama, što veoma često nije slučaj.
- Nakon kraće rasprave gradonačelnik je predložio sljedeći zaključak:
  - Zadužuje se UD Poslodavaca da formira komisiju koja će analizirati postojeću Odluku o komunalnim naknadama i dati prijedlog nove
  - Gradonačelnik se zadužuje da sa pravobraniocem provjeri mogućnost oslobađanja kamata za preduzeća koja su utužena zbog neplaćanja KGZ-a
  - Senaida Turkić je dodala da se pored mogućnosti oslobađanja kamata provjeri i mogućnost dodatnog discounta preduzećima na utuženi iznos

## Ad.2.

- Gradonačelnik je pročitao drugu tačku dnevnog reda i iznio mišljenje da ulica Alije Izetbegovića treba ostati zatvorena i korištena kao pješačka zona, ali da zauzvrat ulica Muhameda Seida Serdarevića bude otvorena za jednosmjerni saobraćaj, i da se takav prijedlog uputi ka Komisiji za bezbjednost saobraćaja.
- Senaida Turkić je insistirala da ulica Alije Izetbegovića bude otvorena za saobraćaj, uz napomenu da je ista u prijeratnom periodu bila otvorena za vozila, kako bi se oživio stari dio grada. Mišljenja je da su trotoari sasvim dovoljni široki za kretanje pješaka, te da grad ima druge zelene površine i pješačke staze poput Kamberovića polja koje se mogu koristiti. Smatra da u tom dijelu grada nema dovoljno parking mjesta, a da bi se otvaranjem te ulice jedan dio mogao iskoristiti i za nova parking mjesta, sve u cilju povećanja privredne aktivnosti u ugostiteljskim objektima.
- Gradonačelnik je kazao da je već sada aktuelno nekoliko projekata poput revitalizacije Gradske kafane, Trga, izgradnje Gradske vijećnice i slično. Pomenuo je da je u planu i uređenje Trga ispred robne kuće te izgradnja podzemne garaže na zelenoj površini ispred Kineskog zida.
- Mladen Perić i Senad Džanić su predložili da ulica, za početak, bude otvorena za saobraćajna vozila do 18:00.
- Nakon kraće rasprave o otvaranju ulica za saobraćaj u uskom gradskom jezgru gradonačelnik je predložio sljedeći zaključak:

- Da se na naredni sastanak Privrednog savjeta pozove Komisija za bezbjednost saobraćaja da daju svoj stav na navednu inicijativu

#### Ad.3.

- Gradonačelnik je pročitao treću tačku dnevnog reda i prisutne izvjestio da su aktivnosti o produženju radnog vremena u ljetnom periodu već poduzete. Podsjetio je da je radno vrijeme ugostiteljskih objekata bilo produženo u dane mjeseca Ramazana i bajramskih praznika do 02:00 sata poslije ponoći te da će radno vrijeme biti produženo za cijeli ljetni period.
- Senad Džanić je ukazao na potrebu da objekti tokom cijele godine imaju radno vrijeme do 02:00 sati. Pomenio je da grad broji cca 400 objekata sa ca 2.000 zaposlenih te da će produženjem radnog vremena vlasnici objekata biti u obavezi da zaposle nove radnike, a i imati mogućnost da obogate ponudu za svoje goste.
- Mirsad Heleg je dodao da je rad i radno vrijeme ugostiteljskih objekata propisano zakonom, te da su dužni postupati u skladu sa odredbama Odluke o javnom redu i miru koji se odnosi na emotivanje i izvođenje muzike, kao i drugim odredbama iz oblasti javnog reda i mira i prava.
- Gradonačelnik je kazao da je odluka o produženju radnog vremena za ljetni period u izradi i donio sljedeći zaključak:
  - Odluka o produženom radnom vremenu ugostiteljskih objekata će važiti do 31.10.2017. godine

#### Ad. 4.

- Gradonačelnik je pročitao četvrtu tačku dnevnog reda koja se odnosi na predugo čekanje privrednika u šalter sali gradske uprave
- Senaida Turkić je prisutne upoznala o nedavnom dolasku u šalter salu u 15:00 sa namjerom da u tom terminu, koji namijenjen za privrednike, izvrši ovjeru tenderske dokumentacije. Mišljenja je da privrednici moraju imati prednost u ovjeri dokumenata u terminima koji su zato predviđeni.
- Mladen Perić je predlagao i mogućnost otvaranja šaltera za potrebe privrednika, kako bi se ne bi dugo zadržavali u šalter sali a i kako bi se vodila i evidencija o broju zahtjeva odnosno ovjera privrednih subjekata.
- Gradonačelnik je ukazao da je šalter sala neuslovna i da ne postoji mogućnost širenja ali da je svjestan potreba privrednika.
- Nakon kraće rasprave predložen je sljedeći zaključak:
  - Pozvati šeficu šalter sale na sljedeći sastanak Privrednog savjeta za pronalaženje rješenja za bolji tretman privrednika

#### Ad. 5.

- Gradonačelnik je najavio petu tačku dnevnog reda i zamolio Amru Mehmedić da elaborira
- Amra Mehmedić je prisutne u kratkim crtama izvjestila o procesu BFC certifikacije i da je postojanje srednjoročnog plana kapitalnih investicija Grada Zenica za period 2017-2019 eliminacioni kriterij bez kojeg nije moguće ući fazu verifikacije i certifikacije. Prisutne je upoznala sa procesom izrade ovog dokumenta, odnosno o radu Koordinacionog tima koji je izradio kriterije za ocjenu projekta, projektni obrazac za kandidovanje projekata, ocjenio projekte i sačinio rang listu. Pomenula je također da je riječ u planu u kojem su sadržani projekti koji mogu biti predmet Javno-Privatnog partnerstva, odnosno da je to baza projekata koji su dostavljeni i evaluirani. Metodologija izrade ovog dokumenta je propisana i osigurava participativni proces svih sektora društva. Napomenula je da je ovo novina u radu gradske uprave i da će se plan revidirati na godišnjem nivou, sa novim projektima.

Zahvalila se Senaidi Turkić na radu u Koordinacionom timu i posvećenom vremenu. Sasvim je sigurno da će ovaj dokument biti još kvalitetniji u narednom periodu.

- Nakon kraće rasprave članovi Privrednog savjeta su bezuslovno podržali prijedlog Programa kapitalnih investicija za period 2017-2020 dokumenta sa napomenom da se prednost u finansiranju da projektima koji sa relativnom malim iznosima mogu generisati velike investicije (primjer Smetova).

**Ad.6.**

- Gradonačelnik je pročitao posljednju tačku dnevnog reda i u neformalnom razgovoru sa privrednicima govorio o svim izazovima s kojima se suočava.
- Mladen Perić i Senaida Turkić su iskazali razumijevanje i podršku za rješavanje problema u gradu. Naglasili su da Privredni savjet mora zasjedati barem jednom mjesečno i da se za privrednike mora pronaći vrijeme unatoč svim drugim problemima.
- Dogovreno je da se izvrši i zamjena neaktivnih članova Privrednog savjeta te da direktor ArcelorMittala bude član Privrednog savjeta


Sastanak završen u 15:15.

Služenu zabilježku sastavila:

Amra Mehmedić  
Služba kabineta gradonačelnika



Predsjedavajući Privrednog savjeta  
Gradonačelnik

  
Fuad Kasumović